

գաղափարները — ազդեցութիւնների խնդիրն աւելի պարզ հասկանալու համար:

Ամենից հիմնական գաղափարը, որ հեղինակը հետեւողականորէն հետապնդում է իր գրուածքի մէջ, է հայ ժողովրդի երջանկութիւնը: Երջանկութիւնը նա դնում է որպէս վերջնական նպատակ հայ ժողովրդի համար եւ ապա ըստ այնմ առաջադրում այն գաղափար-միջոցները, որոնք — նրա կարծիքով — տանում են դէպի այդ երջանկութիւնը:

Պարզ է, որ ինչո՞ւ այդ միջոց-գաղափարների շարքում առաջին տեղը նա տալիս է հայ ժողովրդի անկախութեան, որովհետեւ քաղաքական ազատութիւնը նախապայմանն է ժողովուրդների եւ անհատների բոլոր ազատութիւնների — ե՛ւ տնտեսական, ե՛ւ բնիկբային, ե՛ւ մշակոյթային: Իսկ առանց ազատութեան ո՛չ մի ժողովուրդ եւ ո՛չ մի անհատ չի կարող երջանիկ լինել:

Դրան զուգընթաց՝ նա պահանջում է ռամկավար հանրապետութիւն ազատ Հայաստանի համար, ուր ժողովուրդը ինքը պիտի լինի երկրի եւ իշխանութեան գերադոյն տէրը: Նա պահանջում է, որ օրէնքը կազմի պետութեան հիմքը, բարի, արդար եւ անխախտ օրէնքը, իսկ այդ օրէնքի առանցքը կազմեն մարդու բոլոր բնական իրաւունքները, յատկապէս ազատութիւնները, հաւասարութիւնը եւ սեպհականութեան անձեռնմխելիութիւնը:

Գալով ազդեցութիւնների խնդիրն, պէտք է նշխարել, որ առաջին աղբիւրը, որտեղից Շահամիրեանը կարող է ազդուած լինել, Մ. Գիրքն է: «Որոգայթ Փառաց»ի մէջ մենք շատ յաճախ ենք հանդիպում քաղուածքների ու վրկայութիւնների Աստուածաշնչից, որոնք ապացուցանում են, որ հեղինակը լաւ ծանօթ էր նրան: Յատկապէս հաւասարութեան եւ ըստ գործի վարձատրութեան սկզբունքները, որ այնքան զօրեղ կերպով շեշտուած են «Նոր Կրտսեկարանի» մէջ, կարող էին, անշուշտ, իբրեւ յսթան ծառայել մեր հեղինակի համար:

Այնուհետեւ հայոց պատմութիւնը, մասնաւորապէս Մովսէս Խորենացին, կարող էր ազդած լինել մեր հեղինակի վրայ: Ինքն էլ յաճախ խոստովանում է, որ «բարեզոյն Մովսէս Խորենացին տոչորէ սիրտ իմ եւ սիրտ ամենայն արանց ազգասիրաց յոյժ» (22): Հայոց պատ-

մութիւնը պիտի բանար նրա աչքերը տեսնելու, թէ հայերը ի՞նչ անցեալ են ունեցել, պատմութեան ի՞նչ փառաւոր էջեր — թէեւ սակաւութիւ, իսկ այժմ ո՛րքան տխուր ու ողբալի վիճակի մէջ են: Ազգի տարբեր վիճակների համեմատութիւնից եւ հակադրութիւնից նրա գլխում, բնականորէն, ծնունդ պիտի առնէր Հայաստանի անկախութեան գաղափարը, իր հետ կապուած բոլոր յարակից հանդամանքներով, որոնք անհրաժեշտ են իւրաքանչիւր ժողովրդի փրկութեան եւ երջանկութեան տեսակէտից:

Որպէս գաղափարներ տուող աղբիւր կարող էր ծառայել նաեւ օտար ազգերի պատմութիւնը: Նա գիտէ եւ պատմութիւնից ճանաչում է մի շարք ազգեր, որոնք մինչեւ իսկ աւելի թոյլ լինելով եւ աւելի վատթար պայմաններում, քան հայերը, այնուամենայնիւ կարողացել են փչրել իրենց ստրկութեան շղթաները, քաղաքական ազատութիւն են ձեռք բերել եւ իբրեւ անկախ ժողովուրդ՝ աճել են, զարգացել ու զօրացել: Նրան լաւ ծանօթ են Հռովմի, Միւր Վէյլիսի, Քէրիմ Խանի եւ ուրաների պատմութիւնները. ոչնչութիւնից նրանք ոյժ են դարձել, պետութիւն կազմել եւ ինքնուրոյն բարգաւաճել: Ինչո՞ւ ուրեմն հայ ժողովուրդը եւս չպիտի կարողանայ յոյնն անել:

Մասնաւորապէս հին Հռովմի պատմութիւնը շատ խրատական է Շահամիրեանի համար, ուստի եւ նա Հռովմը ներկայացնում է — կարելի է ասել — որպէս տիպար ապագայ ազատ Հայաստանի: Երկար կանգ է առնում Հռովմի զարգացման պատմութեան վրայ՝ ապացուցելու համար, որ Հայաստանն էլ կարող է նրա նման զօրեղ եւ երջանիկ լինել, եթէ նրա օրինակին հետեւի, այսինքն՝ եթէ նա էլ անկախ հանրապետութիւն լինի եւ կառավարուի ժողովրդից զբուած օրէնքներով: Հրոռովմով այնքան է ոգեւորուած նա, որ ցանկանում եւ բոլոր սրտով փափաքում է, որ «Հրոռովմայեցւոց հոգու զօրութիւնը իջնի հայոց հոգու վրայ, բացի նրանց հեթանոսական հաւատից» (86): Նա ցանկանում է, որ հայերն էլ ունենան Հռովմի պատմութիւնը հայերէն, որպէսզի ամէնքն էլ կարողանան կարգալ եւ ծանօթանալ նրա հրաշալի կարգերին. «Ով պատճառ լինի Հռովմի պատմութեան թարգ-